



Os en Famili Fət-fət

Na Ostralia os en famili fət-fət nɔ rayt.

Os en famili fət-fət bi agens di lo.

Enibodi we du dis kraym kin go na jel, if i bi uman ɔ man.

If yu ɔ eni pɔsin yu sabi de insay fət-fət, duya kɔl di pɔlis na **000**.

Di pɔlis insay Ostralia de sef en yu kin abop pan dɛn.

If yu want prayvet advays en fɔ no mɔ fɔ fri, kɔl 1800RESPECT we na **1800 737 732**.

If yu nid pɔsin we de tɔk English fɔ yu fɔ fri, kɔl **131 450**.

Di Ostralia Gɔvment (Australian Government) nɔ de alaw os fət-fət fɔ eni rizin.

Os en famili fət-fət min di biev ɔ abit we de kɔntrol di man ɔ uman bay we i mek dɛn fred. Os en famili fət-fət kin bi:

- bit;
- chok, kɔba pɔsin nos en mɔt so dat i nɔ kin blo;
- nɔ gri gi chɔp moni ɔ pɔkit moni fɔ di man ɔ uman, ɔ di wan we de na di sem famili;
- mek di man ɔ uman stɔp fɔ si in famili en in padi dɛn;
- tɔk bad en provok di man ɔ uman ɔltɛm;
- fɔs di man ɔ uman fɔ du seks
- mek smɔl smɔl pikin dɛn en animal fɔ os fred.

Uman gɛt di sem rayt lɛk man.

Ol di lo na Ostralia de trit man en uman di sem/ikwal.

Olman get di rayt fɔ get fayn fayn layf en sef padi biznɛs wit dɛn famili en di wan dɛn we dɛn lɛk. Fət-fət nɔ de eva gud. Nobodi nɔ fɔ gri lɛ enibodi trit dɛn bad bad.

Bɔku kɔlchɔ ɔganayzeshɔn dɛn kin ɛp wi insay Ostralia.

1800RESPECT na di Nashɔnal Rep, Famili en Os Fət-Fət Advays ɛp (Australia's national sexual assault, family and domestic violence counselling service). I gi prayvet tɛlɛfon en intanet advays en mek yu no mɔ fɔ fri. Di pɔsin we i gi advays go lisin yu, ansa yu kwɛstyɔn en kin sho yu ɔda ɛp na yu eria.

Kɔl **1800 737 732** ɔ go na di **1800RESPECT website** we na **www.1800RESPECT.org.au**.

Yu nid pɔsin we de tɔk English fɔ yu?

Kɔl Transletij en pɔsin we de tɔk English fɔ yu ɛp dɛn (TIS) (**Translating and Interpreting Service (TIS)**) we na **131 450**. Wan pɔsin we de tɔk English fɔ yu kɔmɔt TIS kin ɛp yu tɔk wit di ɔda ɔganayzeshɔn dɛn, bot TIS nɔ de gi advays. Ol di kɔl na fri en prayvet.